


Pueblo di Santa Cruz no ta conta mas??



For di tempran acusacionnan serio a worde lanza den direccion di e grupo di Santa Cruz, cu tabata blanco di tirada di parti di e emisora.

Cont. di pag. 1

mester ta, Promer a bini e problema cu grupo John Flemming, tambe di origen di Santa Cruz, no por participa pa premio si e no bay San Nicolas. Antayeranochi loke a pasa den stadion a causa tanto mal sabor cerca e carnava- listanan di Santa Cruz, cu nan a puntra nan mes si Santa Cruz no ta conta mas na Aruba.

Manera ta conoci, algun dia pasa, ya Grupo John Flemming a anuncia cu e no ta interesa pa haya premio y cu e no ta competi den e parada. E decision a worde tuma, despues cu dos siman promer cu parada, e grupo a worde informa pa SAC cu e no por califica pa premio si e no participa tambe na e parada di San Nicolas. E regla a worde anuncia na ultimo momento y e dirigen- tenan di e grupo no por a pone miembronan na altura ni pidi mas placa di miembronan pa asina haci participacion na San Nicolas posible.

Pa e grupo di John Flemming, cu ta un di e gruponan cu mas esfuerzo ta haci pa celebra Carna- val y bini cu ideanan buni- ta, e decision di SAC a cay manera un bom y nan a dicidi cu ta participa e aña aki na Carnaval. Pero otro aña Grupo John Flemming no ta forma parti di parada. Ya e ambiente pues tabata di dis- gusto, cu a aumenta du- rante e eleccion di Reina di Carnaval antayera.

Un radio emisora local cu tambe a presenta cu un candidata, a haya oportu- nidad pa haci y deshaci manera e tabata kier cu e candidata di Santa Cruz

y cosnan hopi straño a socede.

E campaña contra e candidata di Santa Cruz a cuminsa hopi tempran cu anuncio na radio cu Go- bierno a favorece Santa Cruz y pesey nan a haya un vehiculo di Cuerpo di Bombero, mientras ta paga Santa Cruz a paga pa e vehiculo.

E Reina di Santa Cruz a haci uso di e vehiculo, pero e emisora a percura pa crea un ambiente suma- mente negativo entorno e Reina di Santa Cruz, cu a bira blanco di atakenan di parti di Canal 90.

"Tur etica di periodis- mo a worde kibra", infor- mantenan furioso, cu a scucha e transmision a bisa DIARIO. Loke a causa mas indignacion tabata e forma cu tabata busca cier- to informacionnan y hasta tabata usa oportunidatnan cu no tabata posible si tur cos ta segun regla pa kibra e Reina di Santa Cruz. Asina na cierto momento, e emisora a bisa cu e Reina di Santa Cruz a worde des- califica. Esaki hasta a wor- de anuncia na Ingles pa miembronan di Jurado por capta.

Straño ta, cu na cier- to momento Canal 90 a logra haya vista den e scoring sheets di miembro- nan di jurado pa despues bay anuncia na radio cu algo sumamente straño a pasa. E periodistanan di Canal 90 a bisa cu nan a worde informa cu e Reina di Santa Cruz a worde des- califica y nan mes a mostra con nan a bay tira un vista- zo ariba e sheets di jurado, cu ta algo incomprendible.

A resulta cu e jurado a duna Marjorie Flem- ming, candidata pa Santa

Cruz, puntonan hopi alto y esaki tabata motibo pa otro tirada contra e candi- data di Santa Cruz.

Mientrastanto ayera e corant di e emisora a dicidi di publica den un articulo cu ta Marjorie Flemming a sali na promer lugar y Milda Tromp na segundo lugar. Pakico no ta conoci.

Henter e asunto a cay den hopi mal tera cerca Pueblo di Santa Cruz y

especialmente e carna- listanan. Nan a muestra cu nan ta sostene Milda Tromp completamente, ya cu en berdad e ta bunita. Pero e manera con cosnan a bay ta crea e impreson cu intento ta worde haci pa trece desunion enbez di union den Carnaval.

Hopi indignacion tabata reina ayera cerca carnava- listanan di Santa Cruz, cu a dicidi cu otro aña nan no ta participa

mas den Carnaval. Nan ta di opinion cu aparente- mente tin gruponan di hende cu ta trata tur ma- nera pa saca Santa Cruz for di Carnaval y cu nan ta di impreson cu Santa Cruz no ta conta mas.

E asunto aki ta uno di lamenta ya cu e ta crea un sabor amargo den un fiesta cu mester uni y no mester bira campo di bataya ni laga espacio pa pregunta- nan cerca ningun hende.

DESCUENTO
PA
VALENTINE'S
DAY

Lucor
Jewelers

HENDRIKSTRAAT 5
20o/o Descuento ariba tur
oro di 14 y 18 krt.
Ariba HOLOSHI
20-35 o/o descuento.
PORCELANA 20o/o.

Te cu Diasabra
13 Februari.

INTERBANK ARUBA N.V.

Nassastraat # 38
6
Boulevard Branch

MONEY
MARKET

HOME
MORTGAGE

TIME
CERTIFICATE
OF DEPOSITS

CHECKING
ACCOUNT

SAFE DEPOSIT
BOXES

REGULAR
ACCOUNT

INTERNATIONAL
BANKING
SERVICE

Open an account
and participate in
winning a COLOR
T.V. during
CARNIVAL
SEASON